


館課  
三月下旬



門生王  
勳

15

蕭曹兩魏相業評

嘗讀史記至西京數世之際未嘗不慨然于相臣之難也高祖承秦楚之後天下紀綱蕩然盡矣蕭鄒戾文而無害整理其間可不謂爛焉及惠帝既立劉氏已定則佐理守成之任惟在循法使非平陽之力將致頽廢至于宣帝固英主也初韋賢罷後而高平博陽並時得君一以愷亮一以寬大所以曲致其上者至矣此蕭曹兩魏西臣之為賢于漢也夫蕭何佐高帝定天下守關中誠莫大之績也其深情亮節僅以自



保其後請范一事猶不免受金之嫌嗚呼難矣曹參  
戰功雖多于何為次始固有隙後代何為相又其時  
法制已備夫奮身甲冑又處人疑隙之後為蕭何者  
既舉以待矣然安知非因隙而恩者乎使矜喜自好  
盡變其術其若漢室與惠帝何參不出此而守而不  
失似乎稍易而非也蓋其視惠帝與高帝也有間其  
自視與何也抑有間有知主之識而鎮靜守之使絳  
灌之屬優：接武于後何其烈也雖然何固不可及  
也彼其知參之深諒難異已故先舉于平勃不然如

惠帝者獨誰與識哉漢宣號為知人能並用丙魏左  
為相濟吉固持大體者也群吏犯法不案及問牛  
喘等事可謂得大臣之度矣魏相為給事中薦張安  
世為車騎將軍以酬功臣而霍氏世戚亦蒙保全又  
白去副封：章皆得燕見上臣無以擁蔽凡內外兵  
刑諸務悉開陳爽切歷御史大夫以至作相始終自  
立庶几剛不吐柔不茹者歟或者曰佐弱國者利于  
剛方事英辟者貴于寬易若高平博陽非其偏至者  
耶今功業又章：如此豈非所謂相濟者耶蓋高平

與帝為布衣交，有德於上，後因許氏以自靖，恩惠之人甚哉，何紆回若是也。特其所居有宜敷博而不宜綜覈者耳。博陽所居皆細紀之地，其扶持通變過于高平，微此二人，則外戚不可制，上專意激刺而寃至沮塞，宣帝乃木彊之人而止耳。夫漢之功臣不乏也，而開創則曰蕭曹，中興則曰丙魏，始知相臣固別有在，而不在區區一節間也。以四臣之德而論之，文終以文，平陽以靜，博陽以嚴，以功論之，以文成略以靜成守，以寬成量，以嚴成辨，後之人以蕭魏事上

以曹丙接下，其聲施後世，當在伊呂間矣。

錦樹行

洛城景物風縹緲，川原歷歷層臺遠。百子池頭嬌鳥鳴，萬紫千紅春盡曉。來携步向承明翠輦朱旗傍，苑行初看閣道凝，空色復覺迴廊動。遠晴迴廊閣道已霏微，陌上行人影拂衣。深閨此日愁相見，別館應知桃李飛。公子乘軺深坐柳，王孫挾彈故穿圍。穠華俠態兩相憐，上相歸來暎綵旃。上枝拂拂干雲際，恍若屏障開青天。青天策馭幾相回，杜曲由來亂撲埃。



一朝風雨靡蕪盡始知妍麗更堪哀君不見清露涼  
秋玉  
銷後霜凋萬木若為栽



朝風雨...  
錦溪...  
...  
...